



**Tractatvs Historico-Jvridicvs De Præcedentia Controversa  
Monachos Benedictinos Inter Et Canon. Regvlares S.  
Avgvstini**

**Stolte, Benedict**

**Erfordiae, 1730**

**VD18 1179271X**

Reverendissimo Ac Per-IIIvstri Domino, Domino Benedicto Lüman, Ordinis  
S. P. Benedicti, Congregationis Bvrsfeldensis, Monasterii S. Michaelis  
Hildesii Abbatii Dignissimo, Septem Ecclesiarvm In-Et ...

---

[urn:nbn:de:hbz:466:1-64547](#)

*REVERENDISSIMO*  
*AC*  
*PER-ILLVSTRI DOMINO,*  
*DOMINO*  
**BENEDICTO**  
**LÜMAN,**  
ORDINIS S. P. BENEDICTI,  
CONGREGATIONIS BVRSFELDENSIS,  
MONASTERII S. MICHAELIS HIL-  
DESII ABBATI DIGNIS-  
SIMO,  
SEPTEM ECCLESIARVM IN- ET EX-  
TRA HILDESIVM SITARVM PRÆSIDI,  
VIRGINEI ESCHERDENSIS MONASTE-  
RII COMMISSARIO, DOMINO FVNDI  
IN RENSHAVSEN ET STEIN-  
WEDEL, &c. &c.

REVERENDISSIME AC PER-ILLVSTRIS  
DOMINE,  
PATER PLVRIMVM  
COLENDE.

**N**, advolat ad sinum  
Tuum paternum li-  
bellus hic, instar ali-  
cujus innocenter nocui (Jof.  
20.) ad locum refugii; asylum  
quærens; en, quæ pia illi est  
ambitio, in VENERABILIBVS  
TVIS portari vult MANIBVS,  
ne offendat, quantumvis in-  
nocuus, nemini nocens, nisi  
nocenti, verè mel offerens,  
quam-

quamvis non sinè aculeo, est  
enim in materiâ controversâ  
*Historico-Juridicus*; ut histo-  
ricus, sat amabilis, ut juridi-  
cus, vel potius totus veridi-  
cus, nonnullis de more odio-  
sus; ergo PATRONVM flagi-  
tat, & non alium, quam Te,  
Præful REVERENDISSIME;  
CVJVS EXCELSA MENS in  
omni quassatione manet im-  
mota, quam nulla terrent pe-  
ricula, sed acuunt, adversa  
nulla frangunt, sed obfir-  
mant. Enimverò antè Syra-  
cusanus Archimedes extra  
universum positus, machinam  
mundi è suis Cardinibus,  
quam TE à recti tramite di-  
vul-

vulserit aut spes aut metus,  
gemini rerum humanarum  
turbines, humilium duntaxat  
mentium myricas concutien-  
tes, atque in transversum  
agentes. surgat Alexander  
Macedo, & quærat ex TE,  
utì olim ex quibusdam Ger-  
manorum Legatis, quidnam  
omnium maximè metuas?  
baud quaquam aliter, ac illi,  
respondebis: ne cœlum ruat;  
imò ausim dicere: si fractus  
illabatur orbis, impavidum  
ferient ruinæ! adeò Justitiæ  
& propositi tenax, quasi Leo  
confidens absque terrore  
(Prov. 28. secundūm Eccles.  
c. 4.) pro justitiâ agonizaris,  
pro

pro animâ tuâ usque ad mor-  
tem certas pro justitiâ, quæ,  
*ut dicit Cassiod. in Ps.* non  
novit Patrem, non novit Ma-  
trem, veritatem novit, per-  
sonam non accipit, DĒVM  
imitatur. *Hoc est, quod in*  
*TE admiratur Germanicus*  
*orbis, suspiciunt obsequenti-*  
*simi Tui Filii, experitur Lu-*  
*therana Civitas Hildesina,*  
*adversum quam pro aris &*  
*focis TVIS stas firmissimè.*

*Non igitur neglectò dome-*  
*sticò, peregrini alicujus Nu-*  
*minis favorem quærerit hic*  
*Tractatulus, sed NOMINI*  
*TVO nuncupari vult, à quo*  
*satis est accepturus præsidii,*  
*hoc-*

hocquè etiam jure exigere au-  
det, cùm non tam meum,  
quàm TVVM se esse gestiat:  
TVVS est; quia meus, Filii  
TVI annis ab hinc viginti qua-  
tuor ORDINI SACRATISSI-  
MO geniti; si enim filius sub  
potestate Patrià fructificat  
Patri, quia non est perfectè  
alter à Patre, atque hic pro  
illo in judicio stare tenetur;  
certè partus hic meus est  
TVVS, & magis TVVS, quàm  
meus, cum unius, ejusdemquè  
rei Dominium penes duos es-  
se non possit in solidum. Leg.  
si ut certo. §. si duobus. ff.  
commodati. non ergo nega-  
bis patrocinium jure tam pro-  
pitio

*pitio debitum; hoc est, quod  
unicè petit præsens hic libel-  
lus, & quod reddere cupit,  
est æternum monumentum  
meæ filialis Devotionis,  
quam hoc publico Documento  
testatam volo.*

REVERENDISSIMÆ AC PER-  
ILLVSTRIS

DIGNITATIS TVÆ

*filius obsequentissimus*   
**F. BENEDICTVS STOLTE.**